



Publicaziuns dalla vischnaunca, jamna 9

Damondas da baghegiar

2013 – 5001.000

Datum dalla publicaziun: 28 da fevrer 2014

Il patrun: S. Steger SA, Via Plaun da Diras 8, 7180 Disentis/Mustér

Il representant: Serafin Steger, Via Plaun da Diras 8, 7180 Disentis/Mustér

Object: Baghetg da menaschi, construcziun d'ina habitaziun, procedura posteriura, parcella 3028, Via Plaun da Diras 8, 7180 Disentis/Mustér

2014-1006.000

Datum dalla publicaziun: 28 da fevrer 2014

Il patrun: Bergsenn AG, Bürgenstockstrasse 2, 6373 Ennetbürgen

Il representant: Sennaria Surselva SA, Via Claustra 3, 7180 Disentis/Mustér

Object: Postar dus tancs per latg e dus containers da stuors, Parcella 2883, Via Lucmagn 33, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 25 da fevrer 2014

Uffeci da baghegiar Disentis/Mustér

Fiera tessinesa

Dumengia, ils 2 da mars 2014 e silsunter mintga dumengia entochen ils 16 da mars 2014 ha liug ina fiera tessinesa. Ils stans vegnan endrizzai sin il parcadi ad Acla da Fontauna denter la Via Alpsu e la Via Acletta.

La fiera ha liug mintgamai naven dallas 11.00 entochen allas 20.00.

Administraziun communal

Cussegl da vischnaunca

Informaziun Pass Lucmagn – Regulativ per la cumissiun da gestiun

Il cussegl da vischnaunca ei vegnius informaus a caschun da sia seduta dils 21 da fevrer 2014 entras il president dalla Pro Lucmagn Peter Binz a moda cumpetenta dallas experientschas fatgas e dallas investziuns previdas per augmentar la segirtad e cheutras garantir in pli liung temps d'avertura dil Pass Lucmagn duront igl unviern. L'avertura dil Pass Lucmagn ei ord vesta turistica dad eminenta impurtonza per nossa regiun. Per garantir pli biars dis d'avertura ein investziuns minimalas da rodond 30 tochen 40 milliuns francs necessarias.

Silsunter ha il cussegl da vischnaunca sut il presidi da Flavio Murer confirmau ils commembers dalla cumissiun per la revisiun dalla lescha davart la taxa da cura e la taxa per promover il turissem dallas vischnauncas da Mustér e Tujetsch. Da Mustér fan Rudolf Büchi, Francestg Cajacob, Victor Flepp, Rico Tuor, Vrena Werth e Livio Zanetti part. La finamira ei da saver accelerar l'elaboraziun d'ina lescha da turissem e presentar ton pli spert ina nova proposta als cussegls da vischnaunca da Mustér e Tujetsch. Aschia duess ei esser pusseivel da metter la nova lescha l'entschatta digl onn 2015 en vigor. Plinavon ha il cussegl da vischnaunca approbau la revisiun parziala dil regulativ da fatschentas ed il regulativ per la cumissiun da gestiun.

Suprastonza communal



Taglia da tgauns 2014

Naven d'immediat entochen la fin fevrer 2014 san las marcas da tgauns vegnir retratgas tier l'administraziun communalà.

La taglia da tgauns munta pigl'emprems tgaun frs. 120.–, per mintg'ulteriur tgaun ella casada frs. 180.– per onn. Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinias, per tschocs e suords ein deliberai dalla taglia, ston denton purtar la marca da tgauns. Nus supplichein da comunicar all'administraziun communalà midadas, q.v.d. tals che han retratg 2013 ina marca da tgauns ed han buca pli il tgaun, ni novs possessurs da tgauns.

Naven digl 1-1-2007 ston tuts tgauns esser marcai cun in microchip ni cun ina tetovaziun bein veseivla. Il tgaun sto era esser registraus tier la Animal Identity Service AG (Anis), Berna. Nus supplichein tut ils possessurs da tgauns da risguardar quellas prescripziuns.

Plinavon fagein nus attents Vus sin suandontas prescripziuns: **Cuors da tgauns – cuors obligatori**
Cuors teoretic, artechel 68 alineà 1, ordinaziun davart la protecziun d'animals

Tgi che ha aunc mai possediù in tgaun ei obligaus d'absolver il cuors teoretic avon che cumprar in tgaun. Quei vala per mintga possessur da tgauns che sa buca demussar ch'el ha gia possediù in tgaun avon igl 1-9-2008. *Cuors pratic, artechel 68 alineà 2, ordinaziun davart la protecziun d'animals*

Enteifer igl'emprems onn da cumpra sto mintga possessur cumprovar il mussament dil cuors pratic. Quei vala per mintga tgaun che vegn ni ei gia vegnius cumpraus suenter igl 1-9-2008. Quei cuors sto vegnir absolvius cun mintga niev tgaun.

Igl attest dil cuors sto vegnir presentaus tier la retratga dalla marca da tgauns per igl onn 2014. Ulteriuras informaziuns anfleis Vus sut www.bvet.admin.ch ni sut www.fludog.ch.

Administraziun communalà Disentis/Mustér

Cooperaziun Alp Pazzola

Nossa radunonza generala ha liug ils **6 da mars 2014** en l'ustria «Cresta» a Segnas.

Cordialmein envida

la suprastonza

Controlla da habitonts

Naschientscha

Luana Dias Nogueira, naschida ils 11 da fevrer 2014. Feglia da Patricia Maria e José Miguel Gomes Nogueira

Mortori

Claudia Jacomet-Cabalzar, naschida ils 14-6-1963, morta ils 20-2-2014.



**Forum cultural internaziunal
Disentis/Mustér (FCIM)**

Mesjamna, ils 5 da mars 2014

Inscunter culla cultura africana allas 20.00 ell'aula dalla casa da scola Sedrun.^

L'impurtonza dil lungatg per la societad. Tgei capeta ell'Africa cun lungatgs pigns e tgei san ils Romontschs emprender dall'Africa?

www.forum-disentis.ch

Mira inserat!

**International Kulturforum
Disentis/Mustér (IKFD)**

Mittwoch, 5. März 2014

Bedeutung der Sprache für die Gesellschaft. Was geschieht in Afrika mit den Minderheitensprachen und was können die Romanen von Afrika lernen?

www.forum-disentis.ch

Siehe Inserat!

Radunonza generala dil club da tennis Mustér

Venderdis, ils 7 da mars 2014, allas 19.00 ella cafeteria dil center da sport e cultura Mustér.

Gliesta da tractandas:

1. Beinvegni
2. Elecziun dumbravuschs
3. Protocol dalla radunonza generala dils 2-3-2013
4. Rappors
 - President
 - Interclub
 - Meinaturnier
 - Juniors
5. Quen 2013 e rapport dils revisurs
6. Contribuziuns annualas
7. Budget 2014
8. Entradas/extradas
9. Elecziuns
 - Vicepresident
 - Cassier
 - Cau da juniors
 - Meinaturnier
 - 1 revisur(a) da quen
10. Program da stad
11. Varia

Cordialmein envida

Suprastonza dil club da tennis Mustér



Uniun samaritana Mustér

Nies proxim exercezi meinsil ha liug **gliendisdis, ils 10 da mars 2014**, allas 19.30 en casa da scola, Cons. Era buca commembers da noss'uniun che han interess e marveglias da fuffergnar inaga tier nus ein envidai cordialmein tier quei exercezi. Sperond sin stedia participaziun salida

la presidenta

Wölfe «en famille»

Freitag, 14. März 2014, 20.15 Uhr im Peter-Kaiser-Saal, Kloster Disentis/Mustér. Co sedeportan lufs en rosch? E tgei munta ei per ils habitonts, l'agricultura da muntogna, la catscha ed il turissem sche lufs vivan en gruppas en nossas valladas?

Andreas Moser, biolog e redactor dall' emissiun «Netz Natur» dalla Televisiun Svizra e Werner Degonda, guardiaselvaschina cau dil district refereschan e muossan films. Entrada: collecta. Cordial beinvegni! www.agricultura.ch, tel. 081 936 48 00.

Preavis fiera da resti d'affons a Mustér

Venderdis, ils 21-3-2014 allas 19.00–21.00.
Sonda, ils 22-3-2014 allas 9.00–10.30.

Ulteriuras informaziuns suonden.

Mummas cun affons pigns Mustér

Chor d'affons vischnaunca Sumvitg

Mira sut Sumvitg!

Uniun da dunnas Mustér Mummas cun affons pigns

Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni **mesjamna ils 5 da mars 2014, dallas 15.00–16.30** per passentar in bi suentermiezdi da cumpignia el local Artgin. Per damondas ni sclariment stat Nathalie Lutz, Tel. 081 947 61 94 bugen a disposiziun.

Mummas cun affons pigns Mustér